四 庫 全

書

薈 要•乾

隆 御 **免本** 事

以長卿無敗事昨因朝廷起孫污於致仕欲委以西事 孫侍郎長卿龍環慶路總管拜集賢院學士為河東都 轉運使臺諫交章論列長卿守邊無狀宜加降點中書 文忠集卷一百十九 奏事録 白 論孫長卿為臺諫所刻事追高者乃已前事忘其月日治平二年六月十一日已後 宋 矣其 歐陽修

政已來臺陳所言施行者少外人之議謂致人主有拒 使彼街宛受點於理宣安故難行也韓公曰自陛下親 贾中丞二章六月十一日進呈上厲聲曰已行之事何 臣等好事但以長鄉除授不為過當若曲從臺官之言 至於臣等能不遂非而服義改過不怯聖賢所難亦是 授不當能用臺諫之言改正足以上彰陛下從諫之聖| 可改易臣修奏曰臣等不為巳行難改若朝廷果是除 而長卿以歲滿得代無過可點而臺諫論奏不已最後

知杭州初上入為皇子中外相慶知大計已定矣既而 又曰人言臺諫奪權臣修奏曰此則為陛下言者過 行直以長卿無過難向言者濫行點罰耳上皆然之 r>之名者是臣等之過若其言有可行者臣等豈敢 廷置臺陳官專為言事若使點然却是失職句以 郎襄自給事中三司使除禮部侍郎端明殿學 以則臺諫無職可供矣 文忠集

鑒也臣修亦啟曰或聞蔡襄文字尚在禁中陛下曾親 難以必信前世人主以疑似之嫌害及忠良者可以為 請出既有除命韓魯二公因為上言蔡襄事出於流言 稍稍傳云有異議者指蔡公為一人及上即位始親政 奏曰若無文字則事未可知就使陛下曾見文字猶須 見之乎上曰文字即不曾見無則不可知其必無臣修 每語及三司事便有忿然不樂之色蔡公終以此疑懼 更辨真偽往時夏竦欲陷富弼乃先令婢子學石介書 定四庫全書 .

家若信傳 母爱服関初還朝時有嫉臣者乃偽撰臣一割子言气 言者廉知而發之賴仁宗聖明弼得免禍至如臣自丁 辨真偽何况止是傳聞疑似之言何可為信上曰官 法內官欲以激怒羣閱是時家家有本中外該傳亦 仁宗保全得至今日由是而言陛下曾見文字猶 獨對語八月十四日 聞祭襄宣有此命 文忠集

,歲餘學成乃偽作介與弼書謀廢立事書未及上為

留中言者於是稍息上曰然政性直不避衆怨每見 崇政殿進呈文字畢勉笏將退上有所問所 皆不喜也今後宜少戒此臣修對曰臣以愚拙敢不 奏曰近聞臺諫累有文字彈奏臣不合專主濮王之 事時或與二 一荷陛下保全知此議非臣所得獨主臺諫文字既悉 日昭文與西聽趙侍郎皆在告集賢私忌臣修獨 - 諫論事往往面折其短岩似奏事時語可知 一相公有所異同便相折難其語更無回符

等論議未合上曰何謂進賢路狹中書常所進 近年以來進賢之路太狹此誠當今之患臣每與 也如臣所言進賢之路謂 往年絕不同也然皆錢穀刑 |訓上曰水災以來 用人之法自兩制選 刑轉運內則省府之類選擢甚精時亦 何臣修對曰自富弼韓琦當國以來十 居两府 館職也上曰 名强幹之吏此

有及第總十 路塞矣往時大臣薦舉隨即召試今但令上 路今塞其二矣此臣所謂太狹也上曰何 兩制是則三 年方得試館職而第二人已下無復得試是高 正古高科一)往時進士五人已上及第者皆入 年而至輔相者今第一人及第者 一館者輔 路也大臣薦舉 相養材之地也往時入 路也因差遣 館職第

先是三司奏造作諸物舊屬少府監文思院後苑作紫 是年劳老病之人也此臣所謂進賢之路太狹也後點 令御藥院陳承禮監造中書覆奏上以南郊日近須 日上因中書奏事遂處分令擇人試館職 依舊歸于有司遂依奏既而少府監申造衮冕內批 下近年多别置局以内臣監作各爭占工匠乞 御樂陳承禮監造衮冕事 八月

文忠集

永無試期是薦舉

路又塞矣唯有因差遣例除者坐

禮就少府監作上意未決臣修奏曰此是陛下新降 史累有論列先帝深悟其事因著令僧職有闕命兩 從來所患朝令夕改令若依前用承禮監作只是 樂院置局就少府監作耳如此何害集事上遂曰可 僧官有閱多因權要請謁內降補人當時 辨集韓自二公奏以衝改近降指揮不若令承 僧官九月十九日 四桶至是鑒義有闕中書已下兩街

難於防制今小事若蒙聽許後有大事陛下必以害政 事陛下不以為意而從之彼必自張於外以謂為上親 朝政此事何可改其漸又奏曰宦女近習自前世常思 書事已施行而用內降衝改先朝著令則是內臣十時 修亦奏曰補一僧官當與不當至為小事何繫利害但中 不從是初微站息而返成怨望不若絕之於漸此 令與監義中書執奏以為不可韓皆二公極陳其事臣 人未上而內臣陳承禮以寳相院僧慶輔為請內路

使定四車全書

文忠集

亦所陳甚多上旨嘉納力 事陛下試思從私請與從公議、孰為得失而韓曾二公 既不行彼必有言萬事只由中書官家豈得自由行 信朝政可迴在陛下目前似 一遠可中書所奏令只依條例選試臣修又奏 事得之林子中家文忠手録皆密語筆礼精楷 歐陽文忠公在政府時手録奏對語此前前年 **從傳示後今而子職不謹身沒未幾已流落於** 一閒事外邊威勢不小矣

亦有異議者可怪者一二知名人也因言執政數人不 三司使給事中祭襄除端明殿學士尚書禮部侍郎知 杭州初上自濮邱立為皇子中外欣然無問言既即位 因追思郭王等悲傷涕泣宦官宫妾爭相榮惡而近臣 以服藥故慈壽垂簾聽政當為中書言仁宗既立皇子 事亦子中録以相示云得之於史院曾布子宣題 文忠集

人家其曰追書者皆不見又未知其何在即後三

₩ · 並 定四庫全書 三司掌天下錢殼事務繁多而寒十日之中在假者四 政数問爰如何人一日因其請朝假上變色謂中書曰 知為誰也中書不敢問其姓名但唯唯而退已而外 字只在先帝卧床頭近日已於燒錢爐内焚之矣然茣 顧家族以定社稷之計而小人幾壞大事又云近臣文 無名今更求一人材識名望過寒者亦未有修奏已 丘何不別用人韓公巳下共奏曰三司事無闕失罷之 亦稍稍言蔡襄嘗有論張尚莫知虛實既而上疾愈親

蔡典議或云上入宫後親見奏牘尚在至是因蔡乞罷 劄子韓公遂質於上上曰内中不見文字然在慶寧即 後便却入省亦不廢事然每奏事語及三司未嘗不變 母年八十餘多病况其只是請朝假不赴起居耳日高 侍其陳乞可以除移初傳者多端或云上在慶寧已聞 未備三司當早選人韓公等初尚揮解上意不回因奏 色襄亦自云每見上必厲色詰責其職事其後諒祚攻 劫淫原西邊日有事宜上遂督中書以邊事將與軍須

立矣曾公曰京師從來善造誇議一人造虚而衆人傳 被禍兼與國家為患修曰陛下以為此事果有果無 襄以飛語獲罪則今後小人可以構害一作善人人難 唯無迹可尋就令迹狀分明猶須更辨真偽只如先 巴開之韓公曰事出暧昧若虚實未明乞更審察与令 夏竦欲害富弼令其婢子學石介字體久之學成乃偽 曰雖不見其文字亦不能保其必無修曰疑似之誇不 定四庫全書 便以為實前世以疑似之言陷害忠良者非惟臣下

切齒只判 撰臣乞沙汰内官奏藁傳布中外家家有之内臣無 言就令有文字猶 和末丁母憂服閥初至闕下小人中有嫉忌臣者 韓曾又各進記上曰數家各有骨肉 曰造誇者因甚不及他人據此似聖意未 仁宗保全未久知其無罪遂却留住至今以 **銓得六日為內臣楊永德以差船事罷知** 撰廢立詔草賴仁宗聖明弼得 須更辨真偽况此無迹狀陛下 文忠集

٤

9 5

٢

415

拯今翰林學士范景仁所言尤激切其餘不為外人所 常以根本為急交章論述每輛留中故極密副使包公 仁宗既連失聚豫鄂三王遂更無皇子自至和三年正 者亦已稍怠嘉祐六年秋余自樞庭過東府忽見內降 余亦嘗因大水言之然初無采納之意如此五六年言 知者不可勝數令樞密富相與昭文韓相亦屢進說雖 月得疾踰時不能御殿中外憂恐既而康復自是言者 封刀諫官司馬光言立皇子事既而知江州吕海

宗室中孰為可韓公惶恐對曰不惟宗室不接外 對常極從容至此始聞仁宗自稱朕既而又左右 其人余自為校勘及在諫垣忝兩制迨此二十年每進 章讀畢未及有所做仁宗遠曰朕有意多時矣但未得 與余偕曰此吾儕素所願也既而明日奏事垂拱殿 顧以為如何韓公曰若上稍有意即當力贊成之曾公 疏論述昭文與集賢曾公及余晚議來日當將上 不知此事豈臣下敢議當出自聖擇仁宗曰宫中常 Tot 2, 410] 文忠集

養二子小者甚純然近不惠大者可也遂啟曰其名謂 費之議乃定余等將下殿又奏曰此事至大臣等未敢 時今上猶在濮王喪乃議起復自大將軍遥郡團練使 政殿因又啟之仁宗曰決無疑也余等遂奏言事當有 除泰州防禦使來日將上仁宗大喜曰如此甚好二公 漸容臣等商量所除官來日再奏既退遂議且判宗正 施行請陛下今夕更思之臣等來日取古明日奏事崇 何仁宗即道今上舊名曰名某今三十歲矣余等遂力

只中書行可也余等喜躍稱 與余又奏曰此事若行不可中止乞陛下斷在不疑 公與余皆以為然及將上令上累讓表仁宗問如何語 自內中批出臣等奉行仁宗曰此事豈可使婦人 上堅卧稱疾前後十餘讓至七月韓公議曰宗正 始出則外人皆知此為皇子也不若遂正其名使 讓而愈進示朝廷有不可回之意無幾肯受 辭避有古候服除取古至七年二月一日服 賀時六年十月也命既出

宗沈思久之顧韓公曰如此莫亦好否韓公力贊之仁 子也今不若遂正其名命立為皇子緣防禦使判宗正 不次權此子又判宗正則天下皆知陛下將立為皇太 宗曰如此則須於明堂前速了當遂降詔書立為皇子 公未對余即前奏曰宗室自來不領職事今外人忽見 詔書告報天下事即定矣不由御受不受也 **狗得以堅卧不受若立為皇子只煩陛下命恩**

仍更今名自議皇子事凡所奏請皆余與西廳趙侍

佳十四日遂不晨出至晚略幸慈孝相國兩寺御端門 嘉祐八年上元京師張燈如常歲歲常以十四日上晨 門與從臣看燈酒五行而罷是歲自正初上覺體中不 出遊幸諸宫寺賜從臣飲酒留連至暮而歸遂御宣德 李蕭然無異寒士有書數厨而已中外聞者相賀 上自在濮郎即有賢名及遷入內良賤不及三十口行 之其最下一字乃今名也是仁宗親點令封在中書今 自書其改名劉子余所書也初擇日旁十字請仁宗

文忠集

子以此為驗外人所傳如此而蟲兒於宫中亦自道 赐從臣酒三行止自是之後雖日視朝前後殿而寖若 自云上已幸我取我臂上金銀子一隻云廟當為我 蟲兒取夜直坐塾上獨處閣中召而幸之遂有娠蟲曰 之私身韓蟲兒也其後柳夫人宿直閣中明日下直遣 不見上獨見之以為異遂召宫婢視之乃宫正柳瑤真 不佳既而韓蟲兒事稍稍傳於外云去歲臘月上閒居 官婢沒并有小龍纏其沒便而出以問左右皆云 **基一百十九**


益不豫至于大漸今上即位於極前中外帖然無 火云聖體畏風寒蓋自上臨御四十年風暑未當極 上不御崇政殿祇坐延和見羣臣奏事而殿中熾 寒未嘗御火至是始見御前設爐火也自是之後 爱扶侍内臣黎永德也是月二十七八 韓蟲兒事籍籍不已云大行當有遺腹子 九月也九月十七日余以服樂請一日假家 間春

文志集

|幸我有娠文言金鋜子上

| 德奉使成都未還不在閣中而銀子埋在柳夫人佛堂 管止今方行也醫官坐婆軍令狀皆云去歲臘月黎水 前閥下太后使人監蟲兒至埋所自掘之深尺餘得 **銀子一隻折為三段矣合之以比臂上者同秤之各面** 之見蟲兒具招虛偽事甚詳云自正月至今月水行未 晚傳內出宫女三人送內侍省勘并召醫官産科十餘 ,坐婆三人入矣十九日入對内東門小殿簾前奏事 **灾匹庫全書** 退太后呼黃門索韓蟲兒案示中書余等於簾前讀 卷一百十九

福寧上大行益冊罷見入內都知任守忠於廷中云蟲 露可以釋中外之疑然點兒當勿留庶外人必信也太 后曰固當如是既而樞密院奏事簾前示之如前明日 窮詰耳余等遂前奏曰蟲兒事外已暴聞令其偽迹盡 日給緡錢二千以市可食物如此至其月滿無娠始加 看之太后言問蟲兒何為作此偽事云以免養孃笞 兩半兩銀重輕又同信為是矣因以金銀俾余等 日得好食耳蓋自蟲兒言有娠太后遣宫人善該 文中、集



方武王之作也人皆以為君可伐濮議之與也人皆 矣臣不得伐其君子不得絕其父此甚易知之事也 臣某頓首死罪言臣聞事固有難明於一時而有待 文忠集卷一百二十 於後世者伯夷叔齊是已夫君臣之義父子之道至 以為父可絕是大可怕駭者也盟津之會諸侯不召 濮議第 文忠集 宋 歐陽修 撰

樂世之人而力不能勝言不見察二子以謂吾言廢 而至者盖八百國是舉世之人皆以為君可伐矣彼 然後二子之道顯使孱王弱主得立於後世而臣不 夷齊者則然孤竹之二羁臣也以其至寡之力欲抗 敢伐其君者二子之力也夫以甚易知之事二子為 為高絶之行以警世於是不食周粟而餓死首陽之 則君臣之義廢而後世之亂無時而止也乃相與務 下然世亦未之知也後五百餘年得孔子而稱其仁 卷一百二十

萬世法是先帝之明也今士大夫達於禮義者海然 其事以示後世也方濮議之與也儒學奮筆而論 釋其疑蓋十八九二本作矣固不待夷齊餓死孔子 不惑群議據經酌禮置園立廟不絕父子之恩以為 諫廷立而爭問巷族談而議是舉國之人皆以為父 可絕矣世又無夷齊以抗之雖然賴天子聖明仁孝 之至艱如此猶須五百年得聖人而後明然則濮園 |議其可與庸人以口舌一日爭耶此臣不得不述 文忠集 四

復生而後明也然有不可不記者小人之誣罔也蓋 其賢惟三數任言職之臣挾以他事發於憤恨厚誣 然不暇深究其精微而一議之失出於無情未足害 世儒臣學士之賢者特以為人後之禮世俗廢久卒 自漢以來議事者何當不立同異而濮園之議皆當 志鬱欝不明於後世此臣子之罪也臣得與其事 不原其心迹不辨其誣罔翕然稱以為忠使先帝之 廷而歸惡人主借為奇貨以買賣作 名而世之人

釤

定匹厚全書 T

卷一百二十

英宗皇帝初即位既覃大慶於天下羣臣並進解秋恩 官詳議翰林學士王珪等議濮安懿王髙官大國極其 澤遍及存亡而宗室故諸王亦已加封贈惟濮安懿王 平二年四月上既釋服乃下其奏兩制雜學士待制 司議合行典禮奏狀具有古宜俟服除其議遂格問治 上所生父也中書以為不可與諸王一例乃奏請下有 書知亳州軍州事臣歐陽修撰進 知其詳者故不得已而述馬觀文殿學士行刑部尚

文忠集

尊禁而已其議狀中書以為贈官及改封大國當降制 行冊命而制冊有式制則當曰某親具官某可贈某官 齊衰不杖期為所後父斬衰三年是所生所後皆稱 父母報又據開元開實禮皆云為人後者為其所生父 今冊命爾為某官某王而濮王於上父子也未審制冊 不名其職狀中書據儀禮喪服記云為人後者為其 為何親及名與不名乃再下其議而珪等請稱皇伯 封某國王其冊則當曰皇帝若曰咨爾某親某官某

灾匹库全意

漢宣帝及光武盛德之君也皆稱其父為皇考而皇伯 禮及漢孝宣光武故事并録皇伯之議别下三省集官 皇太后手書鶴駭遽降手詔罷議而追崇之禮亦寢後 與臺官共加詳議未及集議而皇太后以手書責中書 倭入繼大統之君不幸多當衰亂之世不可以為法唯 母而古今典禮皆無改稱皇伯之文又歷檢前世以藩 稱既非典禮出於無稽故未敢施行刀略具古令典 議字稱皇考中書具對所以然 其對對子而上見 文忠集

臺官亦各有論列上既以皇太后之故決意罷議故凡 數日禮官范鎮等堅請必行皇伯之議其奏留中已而 臣下禮極謙恭然而不為姑息臺官所論濮園事既悉 諫之主乞略與施行1二事上曰朝廷當以至公待天 臺官忿朝廷不用其言謂臣等壅塞言路致陛下為拒 **積忿出怨言并怒中書不為施行中書亦嘗奏云近日** 已留中其言他事不可從者又多寢而不行臺官由此 字言者一切留中上聖性聽齊英果燭理至明待遇

一飲定四庫全書

卷一百二十

所言難行宣當應副人情以不可行之事勉强行之豈 告新被握用銳於進取務求速譽見事轉言不復更思 **口實無之因** 不害事耶中書以上語切中事理不敢更有所請 下岩臺官所言可行當即盡理施行何止略行一 仍問曰所言莫有可行而未行者否韓琦已下相顧 分故事多乖繆不可施行是時京師大雨水官私屋 奏字曰如此則未有是時雜端御史數 作

المناطقة المناطقة الاستان

文忠集·

ž

倒塌無數而軍營尤甚上以軍士暴露聖心焦勞而

|管差監官一員中書勘會在京倒塌軍營五百二十 直五百員監官而未有五本笆箔一併與修未得其在 事而第一割子催修營房責中書何不速了因請每 目矣是時范統仁新除御史初上殿中外竦聽所言何 兩府之臣 相與憂畏夙夜勞心竭慮部分處置各有條 人是於國家倉卒多事閥人之際虛破役兵二千人當 統仁所請當差監官五百二十員每員當直兵士四 **躁繆如此故於中書聚議時臣修不覺笑之而臺中** 卷一百二十

其言不可施一無行但怨朝廷且而不行故吕大防又 亦自覺其非後數日吕大防再言乞兩營共差一官其 其念戾如此而怨怒之言語 言今後臺官言事不行者乞令中書具因何不行報臺 所言煩碎不識事體不可施行多類此而臺官不自知 批進呈訖外人謂御史臺為進呈院矣此語甚著朝士 親舊有戲而激笑作之一有日近日臺官言事中書盡 相傳以為戲笑而臺官益怏怏慙憤遂為決去就之計 口作漸傳於士大夫問臺官

灾足习事 A to

文忠集

濮議未定乃曰此好題目所謂奇貨不可失也於是 議有何過舉可以論列於是置而不問臺官羣至中書 議禮連年不決者甚多此事體大況人主議抑已罷不 與力言然是時手詔既已罷議皇伯皇考之說俱未有 無差失兩府大臣亦各無大過未有事可決去就者惟 謂因言得罪猶足取美名是時人主聖德恭儉舉動 故言事者但乞早行皇伯之議而已中書以謂前世 從其他追崇禮數又未嘗議及朝廷於濮議未有過

卷一百二十

史皇日華 A 45 嗣 表裏而庸俗中下之人不識禮義者不知聖人重絕 用其議意已有不平一有及臺憲有言遂翕然相與為 務激怒朝廷無所忌憚而肆為誣罔多引董宏朱博等 恥既勢不能止又其本欲以言得罪而買名故其言惟 凡無子者明許立後是大公之道但習見問閻俚 借指臣基為首議之人恣其聽說初兩制以朝廷 文忠集

楊言曰相公宜早了此事無使其

)決意罷議故言者雖多

切不聽由是臺官愈益愧

作他人作奇貨上亦

之由是有識之士皆鉗口畏禍矣久之中書商量欲 太廟換了仁宗木主中外涵涵莫可曉諭而有識之士 德崇獎濮王而庸俗俚巷之人至相語云待將濮王入 生父母以為當然遂以皇伯之議為是臺宮既挾兩制 養過房子及異姓乞養義男之類畏人知者皆諱其所 常博士孫固當有議請稱親議未及上而臺官交章 知皇伯之議為非者微有一言佑朝廷便指為姦邪 助而外論又如此因以言感衆云朝廷背棄仁宗恩

卷一百二十

年正月臺議復作中書再將前所草事目進呈乞降詔 稍中息上又未暇白太后中書亦更不議及郊禋既罷明 后乃可行且少待之是時漸近南郊朝廷事多臺議亦 而子無爵父之義宜今中書門下以益為園即園立廟 令王子孫歲時奉祠其禮止於如此而已乃是歲九月 此降詔云濮安懿王是朕本生親也羣臣咸請封崇 日矣上隨之略無難色曰只如此極好然須白過太 酌中禮數行之以息羣論乃略草一事目進呈乞

文忠集

是日韓琦以祠祭致齊惟曾公亮趙聚與臣修在垂拱 太后降手書此數事皆非上本意亦非中書本意記 詔草中事絕異而稱皇稱后二事上亦不曾先有宣諭 帝稱親又云濮王宜稱皇三夫人宜稱后與中書所進 遣高居簡就曾公亮宅降出皇太后手書云濮王許皇 從初中書進呈韶草時但乞上直降詔施行初無一 上曰待三兩日間白過太后便可施行矣不期是夕忽 及慈壽宫而上但云欲白過太后然後施行亦不云請 定匹厚全 1

致齋處召韓琦同取古少頃琦至不及交言遂同上殿 大飞日 五 4 4 5 施行上欣然曰甚好遂依此降手詔施行月詔 以瑩為園因園立廟今王子孫奉祠等事便載於手詔 后手書三事其稱親一事可以奉行而稱皇稱后乞陛 下解免别降手詔止稱親而却以臣等前日進呈詔草 之人為臺官眩惑云朝廷尊崇濮王欲奪仁宗正統 前奏曰臣有一愚見未知可否上曰如何琦曰令太 文忠集

殿門閣子内相顧愕然以事出不意莫知所為因請就

廷處置合宜遂更無異論惟建是作皇伯之議者猶 故人情涵涵及見手詔所行禮數止於如此皆以為朝 修為首議之人乞行誅戮以謝祖宗其奏章正本進 中官蘇利涉高居簡感亂皇太后致降手書又專指 亦難中止遂專指稱親為非益肆其誣罔言韓琦交結 所言悖慢惟恐上不怒也上亦數論中書云誨等 以稱親為不然而吕海等已納告勑杜門不出其勢 本便與進奏官令傳布海等既欲得罪以去故每對

以上性嚴重不可輕回謂已降手詔罷議故稱伯稱考 與有司而惟典禮是從爾其不稱皇伯欲稱皇考白是 廟上未曾有一言欲如何追崇但虚懷恭已一付大臣 外任盖濮園之議自中書始初建一 中使還其告初就家宣召既決不出遂各止以本官除 言事官故屈意含容久之至此知其必不可留猶數遣 人主無復君臣之禮然上聖性仁厚不欲因濮王事逐 書執議上亦無所偏執及海等累論久而不決者蓋 作請以至稱親立

? }


文忠集

昔漢宣帝即位八年始議追傳皇考昨中書所議何太 至於中書惟稱號不敢用皇伯無稽之說欲一遵典故 速也以此見上意慎重不敢輕議耳豈欲過當追崇也 曹議及也初海等既決必去之意上屈意留之不可得 即園立廟而已如誨等廣引哀桓之事為厚誣者皆未 未決而遠罷議故未暇及追崇之禮也其後所議止於 耳其他追崇禮數皆未嘗議及者蓋皇伯皇考稱呼猶 一切置而不議爾非意有所偏執也上嘗諭韓琦等云 卷一百二十

等用心者但謂以言被點便是忠臣而爭為之譽果如 吕誨亦謂人曰嚮若朝廷於臺官所言事十行得三四 云昨來官家但不曾下拜留我耳以此自誇有德色而 使我輩遮羞亦不至決去由是言之朝廷於濮議豈有 誨等所料誨等既果以此得虚名而薦誨等者又欲因 士大夫但見海等所誣之言而不知濮事本末不究海 過舉逐臺官豈是上本意而誨等決去豈專為濮議耶

文忠集

)瞻者在數人中尤為庸下殊不識事體遂揚言於人



欽定四庫全書

卷一百二十



總校官

胳

绿

臣

勵守

訓

官庶古士臣張能

派古士 臣

陳

崇

欽定四庫全書管要集部

詳校官助教臣常指

答曰此厚誣之一事也使朝廷果有此意手詔雖無權 字他日别議追崇何施不可何必先露此意示人是時 皇太后千秋萬歲後復議追崇耳朝廷之意果如是乎 文忠集卷一百二十一 **直朝廷迫於皇太后不得已而罷故云權罷者欲俟** 完議之詔有權罷之文議者謂權罷者有待之言 濮議第二 文忠集 歐陽修 撰

故厚誣以有待之說也先帝每語及此事則不勝其憤 體當如此耳字此事人所易知而日海等欲恐迫人主 為巡還之解故云權罷集議更令禮官徐求典禮者乃 君之孝而示天下也本無中罷之理今不得已而罷當 然則何故云權罷答曰事體自當如此爾追崇以彰 亦當深謀密計宣肯明著詔令以資言者之口問者曰 臺諫方吹毛求疵以指為朝廷過失若君臣果有此意 天而數曰天鑒在上豈有此心或問皇太后既已責

后 謂韓琦交結高居簡感亂皇太后請降手書其稱親 中書不當議稱皇考而手書復有稱皇稱后等事議 請既降出便合奉行豈敢却有沮難又請上別降 簡請降手書則又厚誣也何以明之若手書是韓 本意事出禁中非外人所得知也若云因韓琦使高 稱后皆非皇太后本意果若是乎答曰手書非皇太 以此而言但見韓琦沮止手書稱皇稱后二事不 。作問者又曰然則出於上意乎答 文忠集

宣光武事吕誨等指以為哀桓之亂制刀是指鹿為馬 之略無難色以此知上意不主也問者又曰然則 亦非也若出於上意亦 后是哀桓之事中書以為非而不奉行者也而吕誨 定四庫全書 | 猶須再三論列方可回聖意豈有韓琦一言上即從 言及之又若上意果有所主而中書雖欲不奉 以為厚証也且稱親置園寢及稱皇考皆是漢 作云致主之謀不恥哀桓之亂制者何謂也答 百二十 作當先諭中書商議安得

固自不議 2 號而止稱恭皇及役立廟京師爾此二事是師丹所 師丹許以為是者故云不可復改爾昨國家於濮 以此見其誣罔何所不至也據漢書師丹上疏云定 **☆漢不相干也若止稱恭皇而不繫以國則有進**)蓋恭皇之號常繋於定陶則自是於諸侯國稱 Ē 師 |諡號既已前定義不可復改據此則恭王稱皇 ٢ 丹當時與漢爭論何事答曰董宏欲去定陶 稱皇就使稱皇亦是師丹所許者也問者曰 文忠集

海等動以師丹自此不知朝廷有何過舉海等果爭 也昨濮王既不稱皇而立廟止在濮園事無差偕而 漢統之漸又立廟京師則亂漢宗廟此師丹不得不爭 經者於是毀悼皇考廟在京師者是時丞相平晏等 事也問者曰誨等所論者稱親也稱親果是乎答曰 親是矣此乃漢宣故事也謹按宣帝之父曰史皇孫 親稱皇者而立廟京師至哀帝時議毀漢廟不 相祭義議稱親諡曰悼裁置奉邑而已其後魏 卷一百二十一

經義者即儀禮云為人後者為其父母報是也親者父 母之稱也問者曰京師廟既毁而又毀奉明園者何也 立廟京師則當毀稱親置奉邑則自合經義也所謂應 改奉明園為縣則偕天子之制矣故議毀之也今國家 百餘人議曰親諡曰悼裁置奉邑皆應經義由是言之)崇濮王其禮數三而已稱親一也置園二也立廟三 曰漢制宗室諸侯王皆有園悼皇考自合置園初名 明園置奉邑三百家可矣其後增為一千六百家而

飲定四庫全書 |

文忠集

也稱親則漢儒所謂應經義者也置園則漢宗室諸侯 本國今濮國 王之制也立廟則一品家廟之制也如漢諸王廟當在 立廟於京師與漢祖宗並立至元帝時議毀親盡之廟 邑也止在下國與漢朝不相干故不違經義也及其後 相矛楯乎答曰兩議皆是不相矛楯也其初稱親而置 依經合義可以為萬世法也問者曰漢儒既以稱親為 經義又以兩統貳父為非禮字者何謂也豈其議自 為宇虚名無立廟處故即園而立廟爾其

父之别曰父也所生父也所後父也同居繼父也不同 廟相干豈有两統武父之說乎問者曰父有貳乎答曰 者其議皆是也使悼皇考廟在奉明園而不與漢朝宗 則悼皇考與漢祖宗並為世數此為 元帝既上承昭宣而又承悼皇考為世所謂違離祖統 何止貳也父之别有五母之别有八皆見於經與禮而 昭帝既以親未盡不毀悼皇考亦以親未盡不毀是 兩統貳父也

欽定四庫全書一

繼父也不同居繼父者父死而母再適人子從而暫

易是不可改也問者曰所生所後父之名徒見於禮文 是其所禁而考妣之名雖明帝不能易也明帝之不能 有謂考為皇稱姚為后者大臣共誅之然則稱皇與后 能深嫉為後者尊其父母莫如魏明帝也明帝之詔曰 謂不知輕重者也問者曰父母之名果不可改乎對曰 寓其家後去而異居矣猶以暫寓其家之恩終身謂其 人為父而所生父者天性之親也反不得謂之父是可 而今世未嘗用也今公卿士大夫至于庶人之家養子

欽定四庫全書 而建世異俗其能使衆論不諠乎答曰禮之廢失久矣 於問 習見遂以成風然國家之典禮則具存也令士大 冠束带立於 此非臣墓之所敢知也使臣以 祖宗之典禮 **閻鄙俚之人不知義禮者壞之而士族之家** 謂以養子所生為伯叔父者今但 朝 所生父為伯叔久矣一旦欲用古 廷號為儒學之臣為天子議禮乃 年月等書 长一百二十一文忠集 Д 此得罪臣固 而 徇 間 訚 鄙

而為臣下議則用典禮為天子議則用問問其任情 家爾有司之議禮議律則未嘗不遵典禮也方禮官議 |於喪服記止可為議服而言其他不可稱也果若見 濮王為皇伯也是時王子融卒初故相王曾之無子也 其兄子融之子繹為後及子融之死也禮官議繹 有如此而人其與之辨也問者曰或謂所生父之名 生父齊夏春而心喪三年夫以子融為所生父是曲 也以濮王為伯是問問之所稱也兩議並發於

諱之不密也嘗試論之日此五字古之不幸無子而 其同宗之子為後者聖人許之著之禮經而不諱也 乎答曰律言所養父殺其所生父聽其子告者又豈因 也答曰聖人以 服 世間間 必有所生父母也小人不知義禮以養子為私畏 而言乎問者曰禮有明文一作 韓其自有父母欲一心 鄙 但之人則諱之諱之則不勝其敗與偽 立後為公不畏人知故不諱不諱 以為我生之子故 而世不 用者

飲定四庫全書 人

亦已深矣然而苟竊欺偽不可以為法者小人之事也 陽絕之是大偽也夫問間鄙俚之人之 必二也而為其子者亦自諱其所生而絕其天性之親 字真絕其天性數曾禽獸之不若也使其不忍而外 凡物生而有 視以為权伯父以此欺其九族而亂其人鬼親疎之 生之子曰不如此則不得其一志盡受於我而其心 其苟偷竊取嬰孩襁褓之子諱其父母而自欺以為 知未有不受其父母者使是子也能忍 其作慮於事

惟聖人則不然以為人道莫大於繼絕此萬世之通 其簡易明白不苟不竊不欺不偽可以為通制而公行 母之名不可諱故著於經曰為人後者為其父母報 代以來有天下國家者莫不用之問者曰以濮王 聖人之法也又以謂為人後者所承重故加其服以 生者也故為人後者必有所生之父此理之自然也 天下之至公也何必諱哉所謂子者未有不由父母 ,所生之親恩有屈於義故降其服以春服可降父

<u>ج</u>


1. 1 m

文忠集


愛可專施於一而不分施於二也使上之待濮王也既 是濮安懿王之子也然則濮安懿王者為所生父可知 明也知立後為公不畏人知而不諱也故明詔天下曰 不施恭又不施爱是以行路之人待其所生也不亦渦 於彼則不得專一於此也此兩制議稱皇如是則恭 此仁宗先告于天下矣所謂簡易明白不苟不竊不 則於仁宗之意如何答曰大哉仁宗皇帝之至聖至 不偽者聖人之法也問者曰議者以謂恭愛之心分

四月全書 |

然有肅恭之容遇其交遊故舊久不相見者則必忻然 自度為人後而能以不恭不愛待其父母則能忍而為 有聯愛之語今遇其所生而既不施恭又不施愛是不 乎答曰行路之人遇其鄉間之長者與有德者則必竦 民可矣施於國家而有宗廟社稷之重則將干乎正統 此言也問者曰為人後而不絕其所生之恩者施於臣 行於已然後可責於人令斯人也偶不為人後耳使其 如行路之人也忍為斯言者誰乎君子之為言也度可 文忠集



乾定四事全書 ■ 明擁天地神靈之体荷宗廟社稷之重即位以來仁 古今不易之常道也伏惟皇帝陛下奮乾之健乗離 琦等狀奏伏以出於天性之謂親緣於人情之謂禮 以義制事因時適宜而親必主於恩禮不忘其本此 文忠集卷一百二十二 濮議第三 中書請議濮王典禮奏狀 ·文忠集 宋 歐陽修 撰



爱之心分施於彼則不得專一於此故也是以秦漢以 持重於大宗者降其小宗也又為人後者為其昆第傳 者必以尊服服之為所後者之祖父母妻妻之父母昆 後者為之子不敢復顧私親聖人制禮尊無二上若恭 曰何以大功也為人後者降其昆第也以此觀之為人 為其父母報傳曰何以期也不貳斬也何以不貳斬也 **第昆第之子若子若子者言皆如親子也又為人後者** 臣等謹按儀禮喪服為人後者傳曰何以三年也受重

文三日華 4 1

陛下有天性之親顧復之恩然陛下所以負尿端冕富 為先帝之子然後繼體承桃光有天下濮安懿王雖 代入繼者多宫車晏駕之後援立之策或出母后或出 告見非當時取機後世臣等不敢引以為聖朝法况前 來帝王有自旁支入承大統者或推尊父母以為帝后 地之意於宗室衆多之中簡拔聖明授以大業陛下親 -非如仁宗皇帝年齡未衰深惟宗廟之重祇承天

有四海子子孫孫萬世相承者皆先帝之德也臣等

準內降翰林學士王珪等奏崇奉濮安懿王典禮宜一 考之古今實為宜稱 淺不達古今竊以為今日所以崇奉濮安懿王典禮宜 國太夫人襄國太夫人仙遊縣君亦改封大國太夫人 太夫人襄國太夫人仙遊縣君亦改封大國太夫人考 华先朝封贈期親尊属故事高官大國極其尊榮熊 ·先朝封贈期親尊属故事髙官大國極其尊榮熊國 中書進呈劄子

M; are 17 100

宗皇帝其属為兄於皇帝合稱皇伯而不名謹具狀 不名仁宗即位涇王元儼以皇叔贊拜不名天聖五年 臣等祭詳真宗大中祥符八年楚王元佐以皇兄詔書 懿王當稱何親名與不名欲乞再下王珪等詳定閱奏 之古今實為宜稱者伏詳王珪等所奏未見詳定濮安 詔書不名此國朝崇奉尊属故事令濮安懿王於 伏候劝旨 兩制禮官再議稱皇伯狀

はる。

そーロニナニ

中書請集官再議進呈劄子

符八年楚王元佐以皇兄詔書不名仁宗即位涇王元 秦尊属故事令濮安懿王於仁宗皇帝其屬為兄於皇 以皇叔贊拜不名天聖五年加詔書不名此國朝崇 翰林學士王珪等狀稱臣等祭詳真宗大中祥

帝合稱皇伯而不名者臣等謹按儀禮為人後者為其 父母報及按今文與五服年月初並云為人後者為其

後父斬衰三年為人後者為其父母齊衰期即出繼

足日車全書 一

伏請下尚書省集三省御史臺官定議聞奏 為皇考今來王珪等議稱皇伯於典禮未見明有引據 二十三日中使韓和齎到皇太后實封劄子一封付中 奏慈壽宫劄子

皇帝本生父母合下有司檢尋典禮并前代故事遂

書為尚書省集議濮王典禮事中書檢勘自皇帝登極

後應皇親尊属並各追封加贈惟有濮王并夫人為是

之子於所繼所生皆稱父母又漢宣帝光武皆稱其父|

者為所後父斬衰三年係義服為人後者為其父母齊 後者為其父母報及今文與五服年月粉並云為人後 故事髙宮大國極其尊祭中書為未見議定合稱何親 奏稱崇奉濮安懿王典禮宜一準先朝封贈期親尊属 **衰期係正服即出繼之子於所繼所生皆稱父母是古** 再下詳議續據王珪等議稱皇伯中書檢詳儀禮為人 遂再奏乞下兩制以上及太常禮院詳定尋據王珪等

奏請尋奉聖古候過諒閣別取古近自皇帝釋服從古

飲定四車全書

前代已行典禮隱而不言但進呈一作皇伯無稽之 詔令權罷集議臣等若不具述前後理道處皇太后不 **敬撓公議臣等各是先朝舊臣若於仁宗承繼大統有** 揮臣等竊恐是間諜之人故要街惑聖聽離間兩宮將 有合行尊崇典禮未曾議及今來忽蒙皇太后降出指 **令奏乞下尚書省集官再議只是令議合稱呼何親所** 今禮律明文其王珪等議稱皇伯即前代並無典故須! 事體宣敢妄為自取衆人之罪况今來已奉皇帝手

卷一百二十二

之 降 朕面奉皇太后慈古為議濮安懿王典禮久未施行已 亦 府 |鼓皇王氏韓氏任氏並稱后朕以方承大統懼德不 韓氏仙遊縣君任氏令朕稱親仍尊濮安懿王為濮 始末兼外廷凡百公博 E 3 10 14 14 16 18 1 必不敢對見謹具奏聞謹奏 手書付中書濮安懿王熊國太夫人王氏襄國太夫 并百官理會竊恐有虧聖德兼臣等限以朝廷規制 稱 親手詔 文忠集 作議若皇太后却欲親見兩 六

太后諒兹誠懇即賜允從宜令中書門下依此施行 為園增置吏卒守衛即園立廟便王子孫主奉祠事皇 胯朝堂手詔


勝稱親之禮謹遵慈訓追崇之典豈易克當且欲以塋


邑皆應經義既有典故遂遵慈訓而不敢當追崇之典 命朕惟漢一有宣帝本生父稱曰親又諡曰悼裁置奉 朕近奉皇太后慈古漢安懿王令朕稱親仍有追崇之

朕又以上承仁考宗廟社稷之重義不得兼奉其私親

者專執合稱皇伯進一作封大國之議朕以本生之親 人情街感衆聽以至封還告勑擅不赴臺明繳留中之 故但即園立廟便王子孫世襲濮國自主祭祀遠嫌有 事皆朝廷未嘗議及者歷加誣詆自比師丹意欲搖 無加爵之道向自罷議之後誨等奏促不已忿其未行 改稱皇伯歷考前世並無典據進一作封大國則又禮 别蓋欲為萬世法宜皆權宜之舉哉而臺官日誨等始 乃引漢哀帝去恭皇定陶之號立廟京師干亂正統之

容屈於明憲止命各以本官補外尚慮語鄉之間士民 禮宜追厚俟祥禪既畢然後講求典禮寢崇本親今反 奏於中書録傳訓上之文於都下暨手詔之出誨等則 之衆不詳本末但感傳聞欲釋奉疑理宜申論宜令中 稱 更相唱和既撓權而恃衆復歸過以取名朕姑務 門下俾御史臺出榜朝堂及進奏院遍牒告示庶 定四庫全書 親為非前後之言自相抵牾繼以堯俞等不顧義 親立廟皆為不當朕覽證等前疏亦云生育之恩 本一百二十二





書之議以謂事體至大理宜慎重必合典故方可施行 訪羣議以求其當陛下屈意手詔中罷而衆論紛然至 而皇伯之稱考於經史皆無所據方從下三省百官博 臣伏見朝廷議濮安懿王典禮兩制禮官請稱皇伯中 文忠集卷一百二十三 濮議第四 割子一首不曾進呈 I 文忠集 榠 宋 歐陽修 撰

皇伯者是無稽之應說也其二曰簡宗廟致水災者是 厚誣天人之言也其三曰不當用漢宣哀為法以干亂 今不已臣以謂衆論雖多其說不過有三其 其所生父齊衰不杖期蓋以恩莫重於所生故父母 也謂之降服以明服可降父母之名不可改也又 按儀禮喪服記曰為人後者為其父母報報者齊良 犮 紀者是不原本本之論也臣請為陛下條列而辨之 元開寶禮國朝五服年月喪服令皆云為人後者為 四月全書 | 卷一百二十 口宜

名不可改義莫重於所繼故寧抑而降其服此聖人所 祖宗累朝所定方今天下共行之制令議者皆棄而 禮及律令皆無之自三代之後秦漢以來諸帝由藩邸 也若所謂稱皇伯者考於六經無之方今國朝見行典 制之禮著之六經以為萬世法者是中書之議所據 繼大統者亦皆無之可謂無稽之臆說矣夫儀禮者 一禮者聖宋百年所用之禮五服年月及喪服令亦皆 人六經之文開元禮者有唐三百年所用之禮開寶

簡宗廟致水災者臣伏以上天降災皆主人事故自古 於上令者濮王之議本因兩制禮官違經棄禮用其無 欽 今典禮雖有明據亦未敢自信而自專方更求下外 之庶幾以塞天譴然皆須人事已著於下則天譴為形 聖王逢災恐懼多求闕政而修之或自知過失而改悔 用直欲自用無精之臆說此所以不可施行也其二 議而陛下遽詔中罷欲使有司徐求典禮是則臣 定四庫全書 /)臆說欲定皇伯之稱中書疑其未可施行乃考古

慎重如此人君謙畏如此君臣不敢輕議妄舉而天遽 皇考者親之異名爾皆子稱其父之名也漢儒初不以 宣哀之事者臣謹按漢書宣帝父曰悼皇考初稱親諡 **譴怒殺人害物此臣所謂厚誣天也議猶未決仍罷不** 為非也自元帝以後貢禹章玄成等始建毀廟之議數 曰悼置奉邑寝園而已其後改親稱皇者,而立廟京師 年間毀立不一至哀帝時大司徒平晏等百四十七 而便謂兩統二父以致天災者厚誣人也其三引漢

之忠集

為其父母報是也惟其立廟京師亂漢祖宗昭移故 **陶恭皇諡號已前定議不得復改而但論立廟京師為** 稱史皇孫為親也所謂應經義者即儀禮云為人後者 不繫以國有進干漢統之漸丹遂大非之故丹議云定 人泰議云親諡曰悼裁置奉邑皆應經義是不非宣帝 廟本國師丹亦無所議至其後立廟京師欲去定陶 定四庫全書 | 《 以謂兩統二父非禮宜毀也定陶恭王初但號共皇 涿然則稱親置園皆漢儒所許以為應經義者惟 苯一百二十三

中書之議本謂稱皇伯無稽而禮經有不改父名之義 議何事不尋漢臣所非者何事此臣故謂不原本末也 去其國號立廟京師則不可爾今言事者不究朝廷本 臣而人主有過舉之失矣其如陛下之意未曾及此而 引漢去定陶國號立廟京師之事厚誣朝廷以為干亂 方議名號猶未定故尊崇之禮皆未及議而言事者便 此誠可非之事若果為此議宜乎指臣等為姦邪之 何其過論也夫去國號而立廟京師以亂祖宗昭

次足可重人 45

大忠集

見言事者云云遂以為欲加非禮干亂統紀信為然矣 之事以為說而外庭之臣又不審知朝廷本議如何 中書亦初無此議而言事者不原本末過引漢世可 之爭辨而外庭羣論又不可家至而户曉是非之禮 之說牽引天災恐迫人主而中書守經執禮之議反 以釈ロー 以為姦邪之言朝廷以言事之臣禮當優容不欲 上下之情不通此所以呶呶而不止也夫為人後者 辭紛然不止而言事者欲必遂其皇伯無 卷一百二十三

是禮之所許也然安得無父而生之子以為後乎此聖 使足回車 全書 ■ 之重任其子之事而不得復歸於本宗其所生父母亦 者有父而生盖不欺天不誣人也故為人後者承其宗 人所以不諱無子者立人之子以為後亦不諱為人後 父而生則不可諱其所生矣夫無子者得以宗子為後 之意也蓋自有天地以來未有無父而生之子也既有 不得往與其事至於喪服降而抑之一切可以義斷惟 龙忠集 Ъ

以所後為父矣而聖人又存其所生父名者非曲為

禮之正服今反為義服上於濮王父也反服小功於宗 懿等兄弟也反服大功此自古所以不稱所生父為伯 濮王夫人是本生嫡母也反為義服自宗懿已下本生 矣子為父母服謂之正服出為人後者為本生父母齊 其父母之名不易者理不可易也易之則欺天而誣 弟於禮雖降猶為大功是禮之齊衰期今反為小 本生父為皇伯則濮安懿王為從祖父反為小功 期謂之降服又為所後父斬衰三年謂之義服令若 **卷一百二十三**

能復為之辨矣 於立廟京師干亂統紀之事皆非朝廷本議庶幾群 國未有違衆而 此 以皇 将從衆乎則衆議不見其可欲達衆乎則自古為 岩 明審聖理無不燭今衆人之議如彼中書之議如 į 伯 知 如 無稽決不可稱而今所從定者正名號爾至 此 而猶以謂必稱皇伯則雖孔孟復生不 能舉事者願陛下需然下詔明告中 之記集

叔父者稱之則禮制垂違人倫錯亂如此也伏惟陛

疎戚若於所後父為兄則以為伯父為弟則以為叔 者必使視其所生若未嘗生已者一以所後父為尊卑 改其父母之名者是也問者曰今之議者以謂為人後 或問為人後者不絕其所生之親可乎曰可矣古之人 者禮為人後者降其所生父母三年之 降者所以不絕也若絕則不待降也所謂降 絕也而降之何以知之曰於經見之何謂降而不絕 為後或問上 **装一百二十三** 服以為春而

釘

定匹库全書 |

屈也以其承大宗之重尊祖而為之屈爾屈於此以 父尊甲疎戚為別也直自於其父子之間為降殺爾親 昔者聖人之制禮也為人後者於其父母不以所後之 服乎此余所謂若絶則不待降者也稽之聖人則不然 各隨其遠近輕重自有服矣聖人何必特為制 其父母之名而一以所後父為尊早疎戚則宗從世數 可降降者降其外物爾喪服是也其必降者示有所 如之何余曰吾不知其何所稽也苟如其說沒 有

此則

欽

定四車全書

降三年 Jt. 於彼也生莫重於父母而為之屈者以見承大宗者亦 謂 為其父母報以見服可降而父母之名不 以為春而不沒其父母之名以著於六經曰 سالا 制者也父子之道天性也臨之以大義有可 降而不絕者以仁存也夫事有不能兩得 不仁者之或不為也故聖人之於制服也 勉為人後者知所承之重以專任人之事也 而本之於至仁則不可絕其天性絕人道

能道也質諸禮則不然方子夏之傳喪服也苟如衆 後父為尊甲疎戚矣奈何彼子夏者獨不然也其於傳 子則自然視其父母絕若未當生已者矣自然 有不能兩遂為子於此則不得為子於彼矣此便巷 也委曲而詳言之曰視所後之某親某親則若子若 切之論則不待多言也直為一言曰為人後者為之 注理人之言也是漢儒之說也及不年衆人之 之所共知也故其言曰為人後者為之子此

AND DEL AL ALIO TO

"所不忍者聖人亦所不為也令議者以其所生於 為尊甲疎戚也故曰為所後者之祖父母妻妻之父 其所生如未當生已者矣其絕之不已甚乎此人情 後者之真子者以謂遂若所後者之真子以自處 昆弟昆弟之子若子猶嫌其未備也又曰為所後 者若所後父之真子以自處而視其族親 自為服曰為其父母報蓋於其所生父母不使若 兄弟之子若子其言詳矣獨於其所生父母不然 卷一百二十三 乃國家之典禮也皆曰為人後者為其所生父母齊 之人皆不絕其所生而今人何以不然曰是何言歟今 義也不用禮經而用無稽之說可乎不可也問者曰古 而又忍為人情之所不忍者吾不知其何所稽也此大 矣為伯父則自有服不得為齊衰期矣亦不得云為 父母報矣凡見於經而子夏之所區區分別者皆不取 人亦皆然也而又有加於古馬今開寶禮及五服

後為兄者遂以為伯父則是若所後者之真子以自

於包回車全書 N

母之喪也雖 為禮比於古人又有加焉何謂令人之不然也 文亦同五服者皆不改其父母之名質於禮經皆合 衰三年服雖重矣必為義服者示以義制也而律 少異而五服之圖又加以心喪三年以謂三年者 服雖降矣必為正服者示父母之道在也為所後 於其心示於所生之恩不得絕於心也 以為人後之故降其服於身猶使行其父 則

人情也一本於仁義故能兩得而兩遂此所以異乎思 得勢有不能兩遂為子於此則不得為子於彼此豈非 次足习事 全 書 | | 人情乎曰是农人之論也是不知仁義者也聖人之於 問者曰子不能絕其所生見於經見於通禮見於五服 之圖見於律見於令其文則明矣其所以不絕之意如 1何曰聖人以人情而制禮者也問者曰事有不能 正也所謂天性之至者仁之道也為人後者權也以 而為聖人也所以貴乎聖人而為衆人法也父子之 文忠集

也其為言曰不兩得者是仁則不義義則不仁矣夫 害乎仁此聖人能以仁義而相為用也彼衆人者不 存乎至仁也抑而降則仁不害乎義降而不絶則義不 與義二者常相為用而未當相害也故人情莫厚於其 而適宜者義之制也恩莫重於所生義莫重於所後仁 之以人情而制禮也順適其性而為之節文爾有 仁義者果若是乎故曰不知仁義者衆人也嗚呼聖 抑而降其外物者迫於大義也降而不絕於其心者

甚矣使其真絕之敏是非人情也迫於義而為年絕之 拂其欲也是直欲反其天性而易之曰爾所厚者為我 强馬不為也有所拂馬不為也況欲反而易之其可得 以為人後之故一旦反視若未嘗生我者其絕之固已 乎今謂為人後者必絕其所生之愛豈止强其所難而 之易爾之厚於彼者一以厚於此是其可以强乎夫 則是仁義者教人為偽也是故聖人知其無一可也 母猶天地其大恩至愛無以加者以其生我也今茍

欽定四庫全書

支忠集

義又全其天性而使不陷於為偽惟降而不絕則 以由盡人情而善養人之天性使不入於偽惟達於 不可矣可謂曲盡矣夫惟仁義能曲盡人情而善養 絕其所生則將干乎大統奈何曰降則不能干矣 不知仁不絕其親者衆人之偏見也知仁義相 進承人之重而不害於仁退得伸其恩而不害於 以得聖人之深意也問者曰為人後而有天 以濟於人事無所不可也故知義可以為人

綂亦何所干乎 ·統使漢宣哀不立廟·存京師以亂昭穆則其於 以來為人後而有天下者尊其所生多矣何當干於 一年秋八月京師大雨水壞官私廬舎而民彼厭 漢魏五君篇

溺者千餘人或謂是時方議濮王典禮議者以謂天災

/應信乎曰議猶未決而天已降災殺人害物此厚誣

飲定四事全書 ■

天人之言也余已論之詳矣問者曰前世已驗之事

尊所生者二人曰漢宣帝也光武也宣帝初稱其父曰 統退不絕本親最為得禮而宣帝為前漢中與之主 尊父母者三人而試推以禍福之驗可以知之矣其追 武為後漢世祖其德業隆盛天下富安享國長久此二 為皇考立廟南陽而祭之後世無非者是皆進不干 親置園邑而奉之漢儒以為應經義者也光武稱其 舉今略舉入繼大統之君追尊所生父母者二人不 之何曰自漢以來由諸侯入繼大統之君多矣不可過 公立七年為司馬文王所弑其次曰常道鄉公立七年 日齊王芳立十六年而被廢謂之廢帝其次日高贵鄉 詔後連三世皆以宗子入繼皆不敢追尊其父母其一 母者大臣共誅之故終魏之世謹遵其約然自明帝下 養齊王芳以為子乃下詔後世有入繼之主敢追尊父 帝殁享榮名為萬世所尊者也其不追崇所生者三人 曰魏廢帝也高貴鄉公也常道鄉公也魏自明帝無子

人者追尊所生者也天不降以禍而降之以福生為明


飲定四事全書

尊者未必不得禍也 長短雖自有歷數繁於天命不繁於一作追尊所生 也天不降以福而降之以禍一被廢一被弑 身亡國為萬世所悲者也彼漢魏五君者其享國歐 不追尊也然就以福福推之追尊者未必不享福了 謂為人後者改其所生父母之名考於六經與古人

為晉所篡魏遂以滅亡此三人者能不追尊其所生

而高祖自有子五人高祖疾病以其子重客託於大臣 立不絕則不得立故不得已而絕之也出帝父曰敬儒 高祖之兄也敬儒早卒高祖憐出帝孤而養以為已子 為後繼統之君也蓋其不當立而立必絕其所生則得 所生父為皇伯矣此何足道也彼出帝者立不以正非 後合禮而得正之君皆無之也惟五代晉出帝當以其 有而不足法也蓋自漢以來由藩侯入繼大統其為人 典禮固無之矣而前世有天下之君多矣果無之乎曰

+飲定四庫全書 其所生父則臣而名之是其可以人理责乎是其可以 甚自高祖與契丹為父子出帝以耶律德光則為祖 文章於是掃地矣蓋篡逆賊亂之始一作 呼五代之際禮樂崩壞三綱五常之道絕先王之制度 立不以正之君又不得已而至此其可為後世法哉嗚 **豈敢復顧其所生父也哉其以為皇伯者不得已也蓋** 其義不當立惟欺天下以為高租真子故得立則其勢 及高祖崩晉大臣皆約欲得長君故捨重客而立出帝 **卷一百二十三** 也而晉氏尤



為世法乎出帝既立不旋踵而契丹滅晉遷其族于北

飲定四事全書一人

文忠集

去

